

你太拙先生遺集

徐太拙先生遺集

樂安徐振芳著

同邑後學成

榮光煥五
賢書陶琴

甫編次

歷城後學劉恆發仲華甫叅校

卷之五 三素草

七言律

步李小有雙縑換酒韻

李廣安知竟不候灞陵醉尉氣橫秋
東西鴻爪尋常事口腹豬肝淡薄愁
但訪朱家來魯國偶逢徐穉滯南州
總然不謁臨邛令月滿空舲亦壯遊

許文侯千里見訪

雪作肝腸氣吐虹襟期端與信陵同懷人天際迷葭水
命駕淮南訪桂叢小市羣兒驚且妬孤帆千里雨兼風
他年預擬酬知己或似毛公與薛公

送舊弁程子以數學遊海上

萬象皆從一畫生新編敢與六丁爭每逢臣子言忠孝
自掛衣冠變姓名過眼繁華看海市周天消息聽潮聲
桑田乍改居難卜喚醒行吟放屈平

九日同王默生郭子駿陳爾燕程維東張虞山陸

咸一閩再彭馬西樵徐動盈社集靳壁星草堂
限韻賦得羞將短髮還吹帽

凌霜屐齒踏殘苔正好重陽客又來元亮清貧能載酒
孟嘉老健尙登臺西風破帽將吹去滿座愁顏一笑開
濡墨張顛慚沮甚不堪影照菊花杯

淮城晚眺

徙倚高樓對夕曛悲笳哀雁不堪聞霜威漸次添紅葉
波影空明過白雲四海狼煙天地改一場蝶夢古今分
授衣時節猶爲客尙裹前年舊苧裙

登文通塔

淮浦浮圖切太虛，憑欄極目一愁予。
黃河入海聲猶急，碧樹經霜葉漸疏。
楚甸豺狼三戶盡，梵宮金粉六朝餘。
下方傳語登臨者，如此高危不可居。

贈默生

潦倒高陽舊酒徒，芒屨風雨問潛夫。
殷勤雄劍求同類，慚愧雕蟲見大巫。
庭菊欲開秋色老，海雲已散月明孤。
空山盤薄聽天籟，絕巘飛流萬斛珠。

步虞山韻

紫葍圍房錦石垣藤蘿深護小柴門那知上谷紅塵騎
也躋江南黃葉村山鬼強知一歲事國殤誰念九幽魂
樓船組練凌江漢野哭荒原落日昏

秋夕同王默生張虞山飲靳壁星草堂限韻

夜色淒迷醉墨堂琴樽故業未全荒燈殘野店蟲聲細
月出平林樹影長此日離騷猶在楚十年詞客倦遊梁
酒酣耳熱猶彈鋏一任烏啼滿地霜

訓伍際可次來韻

幾年兵火怨睽違水不通魚雁未歸官遇三空難問祿

人經百戰漸忘機
書燈入夜紅侵牖
山色當衙翠撲扉
一札從天如睹面
關河縹緲夢魂飛

美人看劍二首

和張文峙

其一

自是耶溪冶鑄成
塵埃猶動玉人情
鋒鋌不爲溫柔減
閨閣常聞風雨鳴
宛轉明眸吹練帶
殷勤紅袖拂龍精
郎君昨夜星窗下
又說人間事不平

其二

三尺龍泉近繡牀
星眸一盼欲飛揚
爲憐古鐵瑩秋水

借作青銅照曉妝
彈鋏聲隨條脫應
吹毛風動口脂香
乾坤未毀恩仇在
畫閣深藏聶隱娘

伍際可署教安義二首

其一

廊廟山林事兩難
委蛇聊借一枝安
思酬世法嫌孤注
莫怪先生就冷官
愁我更無堪共語
贈君惟有勸加餐
匡廬萬疊開窗見
消受青氍坐翠寒

其二

咫尺庭幃當舞斑
之官亦復似還山
逍遙人世窮通外

鄭重身名隱仕間漢博士因傳道出魯諸生散授經閒
晦翁鹿洞從新闢語錄書成寄老頑

豫章送黃晉明還白下

將有吳淞之行

拂衣長嘯楚江煙彩鷁憑虛意欲仙山色從經秋意改
湖光滿載月明還夢馳吳下尋鱸膾門對秦淮繫酒船
塵榻將懸空設醴一般歸去羨君先

挽詩媛梁秀仲

瓊樓寂寞網塵縈此地曾聞彩鳳聲魏博功成紅線去
成都恩重玉簫生優曇略現空中色慧業難消身後名

惟有韓憑愁不寐
碧天雲雨望梁清

送吳个臣還越

天涯文酒幾追攀
歲暮言歸喜動顏
靈谷梅花留句別
剡溪雪夜放舟還
高臺戲彩稱康爵
繡閣含毫畫遠山
有客江天搔短髮
春風翹首五雲間

清明雨泊蕪湖

和黃晉明

牛渚磯頭霹靂飛
蛾眉亭上雨沾衣
半生湖海逢寒食
垂老干戈賦式微
勝跡猶傳李供奉
好山偏屬謝元暉
杏花楊柳胡姬酒
爭得遊人不醉歸

陽明先生祠

莊誦龍潭夜坐時醍醐灌頂認良知爾時種種生疑謗
奕世人人自得師洙泗一燈身接續西南半壁手撐持
講壇寂寞儀型在泉瀉清冷月印池

題邱季貞西軒

淮水城闌尺五天幽軒叢桂起雲煙晨餐絳雪人如玉
夜照青藜筆似椽徧採風謠歸大雅獨標旗鼓建中權
憑欄西望頻搔首極目成周鎬洛邊

漫興

文場倦矣又疆場百戰空還鬢已霜冷淡詞章埋恨魄
變遷陵谷挫剛腸豺狼當道狐安問鷓鴣先鳴蕙不芳
賣却弓刀焚筆硯兒孫祇好教農桑

壽薛子

代

神仙風韻見鬚眉文彩河東鳳羽垂兩袖煙霞聊市隱
百年琴興與天隨南華展卷吟秋水古月懸香寫桂枝
自具狄希千日釀要於海上醉安期

和朱雕龍魯郎新娶韻

雲擁輜輶鵲駕河彩鸞對舞鳳雙歌披帷小語香潛度

刻玉明心誓不磨
解笑花開寒食後
凌波襪步月明過
商量十樣春山譜
蘸筆先描第幾蛾

和朱雕龍穀雨前二日韻

鶯織垂楊燕點沙
邯鄲枕竅武陵花
纔分賢聖難爲酒
貪驗旗槍老却茶
天上青陽還左个
人間白日但西斜
從今學挂羚羊角
逐日春光到處家

雕龍隴山戲作窮詩各極其致余亦效顰

李陵矢盡曳虛弓
羊左空桑戰雪風
前路尚遙日已暮
故人雖在信難通
花生病眼迷投止
鬼坐枯腸溷乃公

有客自稱晉阮籍相持慟哭大荒中

三月十六夜朱雕龍李非文集余齋中限韻得先
天堅燕鈿字二首

其一

雨妬雲埋好月先羈人喜見乍晴天呼醒種秫貧元亮
照拂編年老孟堅春夜桃花紅變楚江鄉柳色綠通燕
狂來欲拾青天鏡醉與嫦娥貼翠鈿

其二

居鄰滄海月生先花似三春照暮天悶坐玉人閒度曲

長征鐵馬夜披堅
桃源避後誰知漢
黍谷吹來欲變燕
老子婆娑思命酒
山妻擬典舊釵鈿

和朱雕龍春日訪僧韻

豈有神丹可駐顏
眼前花鳥最相關
每邀好事尋芳去
大笑春遊不醉還
空谷佳人方窈窕
幾朝老子正癡頑
何如三月初晴後
潦倒東風一日閒

和沃旬伯韻

眼前兔角與龜毛
事事堪拈入諾皋
白羽夜馳新鬼哭
黃雲晝合戰塵高
觸僵寶瑟官初轉
指點銀瓶客自豪

惟有行吟澤畔者一杯泣醑伍胥濤

過程琳仙齋頭賦贈

舌放青蓮筆吐雲琴言香篆並殷勤請纓年較終軍小
比玉身從衛玠分慚愧漁陽稱老將逡巡龍武避新軍
誰能應接山陰道詩畫禪仙總是君

春晚夜同朱雕龍程琳仙集濮瑜山齋探韻得醅
開杯堆材字

送春秉燭啟新醅湖海談心撥悶開看劒龍搖驚電影
提壺鳥勸惜花杯奚囊韻語嘔心出畫舫煙巒吮墨堆

自有中郎能賞鑑已知焦尾是琴材

和朱雕龍清夜聞笛韻

龜茲曲盡犯伊涼聲度花林引澹香極樂國通金鑿落
華胥路近竹匡牀遙從玉杵分靈藥坐對銀河浣熱腸
想見幽人吟嘯後夢魂閒入海鷗行

壽劉成之使君

代

海色新開楚甸煙清風一日動三漣丹砂勾漏因爲令
枕席蓬萊本是仙酷暑漸消秋欲至訟庭無事日高眠
劉安自具長生藥要使人間見九還